

Date – 08/11/2025
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. State sorkar chuan Champhai District-a kawngpui thenkhat sial hna thawkturin Border Roads Organisation hnenah phalna a pe.
2. Mizoram chak lakna kawngpui ber Sairang-Vairengte chu enfiah turin Central YMA President Pu R.Lalnggheta hovin vawiin hian an thawkchhuak ang.
3. Prime Minister Narendra Modia chuan vawiinah Varanasi atangin Vande Bharat Express train thar pali a vailiam dawn.
4. Bihar Assembly inthlan thawhnhnihna atana campaign hun tawp lam a hnaih chho mek avangin NDA leh Mahagathbandhan hruaituten theihtawpin campaign an nei mek.

<><><>

CM

State sorkar chuan Champhai District-a kawngpui thenkhat sial hna thawkturin Border Roads Organisation hnenah phalna a pe a,

Hnathawh BRO hnena hnathawh phalna a pek vawikhatna a ni, tih sorkar thuchhuah chuan a sawi.

He thutlukna hnuaiah hian BRO chuan km 6 leh a chanve vela thui Old Hruaikawn leh Zokhawthar inkar bakah Km 8 chuang hret Tualcheng leh Pamchung inkar kawng te an siam anga, tun thallai atanga a hma thei ang bera hna tan tura tih an ni.

Chief Minister Pu Lalduhoma leh BRO Project Pushpak Chief Engineer Pu Rajeev Dua bakah state sorkar official ten hun rei tak ata tawh an lo buaipui tawh chu a takin a lo thleng ta tih sorkar thuchhuah chuan a sawi bawka a ni.

<><><>

LADC POLL DATE

Member 25 awmna Lai Autonomous District Council inthlanpui chu December Ni 3 ah neih a ni dawn tih Mizoram State Election Commisioner Dr. H.Lalthlangliana chuan a puang a, Model Code of Conduct hman zui nghal a ni ang a ti.

LADC Inthlan lo awm tur hriattirna chhuah a ni velah candidate tana nomination file theih hun hawn nghal a ni a, nomination hi NOVember ni 14 tlai dar 3 thleng a file theih anga, hemi ni vek hian symbol allotment te, scrutiny te an ti nghal vek dawn a, tlai dar 3 hian tihzawh beisei a ni. Candidate in hnukdawk duh an awm chuan November ni 17 chhun dar 12 thleng in withdraw theih a ni anga, chumi hnua chuan contesting candidate te tarchhuah zui a ni tawh dawn a ni.

Inthlan vote thlak ni December Ni 3 ah zing dar 7 atanga tlai dar 4 thleng hun hawn a ni anga, inthlanthat ngai a awm chuan a tuk December ni 4 chu inthlanthat hun atan ruahman lawk a ni.

Vote chhiar hun hi DEcember ni 9 Thawhlehi zing dar 8 atanga chhiar tan tura beisei a ni. Election process zawng zawng hi December 12ah zo fel vek tura ngaih a ni. Electronic voting machine hman vek tur a ni a, hemi bakah hian electiona duty te erawh Ballot Paper hmanga thlak tir an ni dawn a ni. Tun thleng hian critical polling station a la awm lo bawk a ni.

Electoral Roll thar ber ang chuan LADC-ah hian voter 56,873 awm in, mipa 27,854 leh hmeichhia 29,019 an awm vote thlak thei an awm a ni. Sakeilui MDC Constituency ah voter 3999 awmin voter tamna ber Constituency a ni a, Cheural MDC Constituency, voter 1381 awmna chu voter tlemna ber a ni. Polling Station-a vote tamna ber hi Pang khua a ni a, voter 1089 an awm a, polling stationa vote tlemna ber hi Hmawngbuchhuah voter 1 a awm ani.

LADC term hman mek hi December ni 18 a tawp tur a ni.

State Election Commisioner, Mizoram Dr. H.Lalthlanglana chuan he LADC inthlan-ah hian Mizoram chuan inthlanna thinghlim, fel fai leh muanawm a neih theih na'n inthlanpui buaipuitute Officialte, Poltical Party te, Media te, NGO te leh mipui tawiawmna a ngen a, mipui duh thlanna kal tlanga tualchhung inrelbawlna tha tak neih a nih theih nana theih tawp chhuah theuh tur leh Democracy ti hlawhtling tur a vote thlak theuh turin a sawm a ni.



RD DEPT

Rural Development & Administration Department hnuaia Officer-te pualin nimin khan thingtlang lam tih hmasawmna tur leh rethei zawkte’n leirem an rah theihna tura sawrkar flagship Programme hrang hrangthlirhona buatsaih a ni a,

National Rural Livelihood Mission (NRLM), Lakhpai didi, Deen Dayal Upadhyaya Grameen Kaushalya Yojana (DDU-GKY) leh thil dangte zir hona leh hmalaknate thlirleta, sawi hona hun, Aijal Club-ah buatsaih a ni.

RD&AD Minister Prof. Lalnilawma’n he hun hi hmanpuiin, RD&AD Commissioner & Secretary leh MzSRLM State Mission Director ni bawk Pu R. Zarzosanga’n inkhawm hi a kaihruai a; State, District leh Block level-a Officer-te he hunah hian an tel a ni.

Minister chuan RD&AD hnuaia-ah thawktu thar lut leh chhuak tawh an awm reng avangin chak zawka hnate thawh a nih theih nan, sawrkar hmalakna leh hnathawhte hrechiang tura inzir thar reng chu thil pawimawh tak a nih thu a sawi a; Mizorama thingtlang kuate tih hmasawn nan Vibrant Village Programme (VVP), khaw 109-ah kalpui tan a nih tur thu leh thingtlang khua chengte leh a bikin nuhote’n eizawmna tha zawk an neih theih nan sawrkar chuan RD&AD hnuaia Mizoram State Rural Livelihood Mission (MzSRLM) kaltlangin, theihtawpa hma a lak mek thu a sawi a; Minister chuan Mizorama Self Help Group (SHG) te chak zawk leh awmze nei zawka an kal theih dan tur chu a thil ngaih pawimawh a nih thu sawiin SHG-te thil thar chhuah leh siam chhuahte, zau zawk leh hlawk zawka zawrh leh hralh a nih theih nan tunhnai-ah SELHEL Brand thar din a nih thu te, sawrkar scheme leh department hrang hrangte nen pawh kawng hrang hranga thawh hona tha

zawk (convergence) a awm theih nan hma lak a nih thu te, Ropuiliani Women Farmer Producer Company kaltlangin MIFCO Complex, Chhingehhip-ah Sawhting, Hmarcha, Aieng leh thil dangte sawngbawlna Primary Proccessing Plant bun a nih thu te, Reliance Industries Limited (RIL) te nen pawh MoU sign a nih tawh thute leh Reliance Fresh Store-ah SELHEL Brand hmanga thil thar leh siam chhuahte pawh zawrh chhuah a nih tur thute a sawi a; Thlai thar mai bakah Mizote kut chhuak silhfen, puan leh thil dangte pawh khawvel ram zau zawkahte thawn chhuah a nih theih nan hmalakna tur tam tak a awm thu sawiin, he hun hmanga kalkhawm Officer rualte chu thahnem ngaia, theihtawp chhuahpui turin a sawm a ni.

<><><>

CYMA PRESIDENT

Central YMA President Pu R.Lalnggheta chuan Mizoram chak lakna kawngpui ber pakhat Sairang-Vairengte chu enfiah turin an thawkchhuak dawn a, a tul anga hmalak te pawh a ngai maithei a ti.

He thu hi CYMA hruaitute leh MJA-te an inkawmnaah sawiin,CYMA President chuan vawiin hian National HIGHway 306 Sairang - Vairengte inkar kawngchhia enfiah turin mithahnem tak kal an tum a, ram chhung inkal pawhna kawng chhe lutuk chu truck neitu pawlte pawhin court lamah an manganna an thehluh hnuah pawh hmasawnna hmuh tur a aw lem lo a, sorkar minister leh MLA rual pawhin an kal chilh pawhin awmzia a neih theih loh avangin CYMA anga hmalak a tul nia hriain an thawk chhhuak dawn a, kawng siam enkawltute an ti tha tawk lo nia hriat a nih chuan lo inthiarfihlim tura nawr chhuah tir thleng pawha hmalak a tul maithei tih a sawi a, kawng enkawltu te'n sum siamna ringawta an hmang zel chu a fel lo hle tih a sawi a ni

<><><>

DAMPA BY ELECTION

Dampa bial by election atana campaign hun chu vawiin hian khar a ni ang a, political party ten theihtawpchhuahin vawiin hian vote zawn hna an thawk chhunzawm a ni.

Nimin khan MNF chuan Silsury ah Dampa Bial Bye-Election MNF Campaign Kharna hun an hmang a,

MNF candidate Dr. R. Lalthangliana chuan thusawiin, MNF in Mizoram chhunga cheng hnam hrang hrangte tumah a en hrang ngai lova. MNF Sorkar hnuaiah Mizoram chhunga hnam tlem zawkte an him zawk bawk a ti. Thlan tlin a nih chuan kum 2026 ah State Level Biju Festival ropui tak Silsury khawpuiah buatsaih a ni ang, a ti a. "Dampa bial leh Silsury khua ngei pawhin an sawi tam ber leh an mamawh em em Health Sector lama harsatna an tawh mekte sukiang turin Bial chhunga Health Dept. Staff indaih lohna phuhruk dan ngaihtuah a ni ang a, Nurse leh Health Worker awm lohnaah Fund hmangin emaw, kawng dangin emaw a ngaihtuah nghal ang," a ti bawk.

Nimina Aizawla MNF Party Office Mizo Hnam Run chhung inkhawm ah MNF Treasurer Pu Lalruatkima chuan thusawiin, "ZPM chuan sorkarna an chelh hnuah an zia an thlak ta vek a a ti a. Pathian hla nena zai dual dual thin kha, tunah chuan hnamdang hla nen an lam ta a, naktuka campaign kharna turah pawh magic show-te an tia, mitdawivaih hmanga indawi tlin an tum niin a lang, a ti.

ZPM chuan an candidate pawh an zuar tawh lo, an thukru daih a, thu pawh an sawi tir tawh mang lo a ti a, engti kawng zawng pawhin he by election-ah hian tlin an tum niin a lang a. A zawrh theih zawng zawng an zuar a, a tiam theih theih an tiam a ni a ti.

BJP Mizoram State President Dr. K. Beichhua, MLA chuan Dampa Bial By-Election lo awm tur atan Campaign nei chhunzawmin, Ṭuahzawl Khua Party mite hma ah thu a sawi a, Dr. K. Beichhua chuan BJP MLA nih ṭhatna a tawn ang chu Mizorama bial hnufual ber, India ram hriat khawpa bial chawikan ngai chuan, a bial anga bial hmasawnna hmu turin BJP MLA an neih ngei a ngai a ti.

Dampa bial chuanchung lama BJP hruaitute chuan Dampa bial an khalh ngil thei a ni tih an hriat thar a ngai a ti a. Tun hun ang tluka he bial dinchhuahna tura hun tha 'Golden Chance' an nei lo a ti.

Congress Bhavan-a nimina Political Session ah Pu PL Thanga chuan thusawiin Congress Party in NLUP an kalpui hma khan Mizoram chu India hmarchhakah Economic Growth ah a hniamfal lawrlak a. NLUP kalpui kum khatnaah sum khawlaileng a tam ta a, chu chuan hnathawkin kawng hrang hrangin hmasawnna a thlen a, India hmarchhakah pakhatna kan ni nghal tawp a. Economic Growth ah a sang fal nghal nalh a ni a ti.

NLUP chu Mizoram tan project rangkachak a ni a. NLUP an kalpui hma khan MNF khan MIP an kalpui a, MIP a thawktu zawng zawng driver te thlengin a bo a bang awm lovin an chhawm vek a. MNF kha kum thum chhung daih tur sumkan hnutchhuah bawk a, thil dangah an hmang a nih a rin thu a sawi a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM IN VARANASI

Prime Minister Narendra Modia chuan vawiinah Varanasi atangin Vande Bharat Express train thar pali a vailiam dawn. Pu Modia hian nizan khan a Parliament-a a bial Varanasi hi a thleng a. Mipui leh party worker ten ropui takin an lo lawm a ni.

Vande Bharat Train pali te hi aranasi-Khajuraho, Lucknow-Sarai Rohilla, Firozpur-Delhi, leh Ernakulam-Bengaluru tlan tur an ni.

<><><>

BIHAR ELECTION

Bihar Assembly inthlan thawhnhnihna atana campaign hun tawp lam a hnaih chho mek avangin NDA leh Mahagathbandhan hruaituten theihtawpin campaign an nei mek a. Nimin khan party hruaitu senior leh star campaigner ten hmun hrang hrangah thu an sawi a.BJP Senior leader leh Prime Minister Narendra Modia chuan Aurangabad leh Bhabhua ah thusawiin NDA chuan Bihar a ti hmasawn dawn a ni a

ti.. Union Home Minister Amit Shaha chuan Jamui ah thu sawiin tun inthlan chuan Bihar hmasawn zelna tur a hril dawn a ti a. JD(U) President leh Chief Minister Nitish Kumar chuan Paharpur ah thu sawiin kum 20 a sawrkar chhungin mipuite hnena an intiamnate an tihlawhtling zel a ni a ti a. Congress hruaitu Rahul Gandhi chuan Banka ah thusawiin Bihar mipuite chu politics-a an dikna chanvo hre turin a chah a. RJD leader Tejashwi Yadav pawhin Jokihat ah hun a hmang a. An sawrkar anih chuan hmeichhiate tan thlatin Mai-Bahin Scheme hmangin cheng sing 3 pek an ni ang a ti.

Puan tawh angina Bihar Assembly inthlan thawhkhatna tun thla ni 6- neih zawh takah khan vote zaa 64.46 a tla a.Zing dar 7 atang khan Bihar assembly inthlan thawh khatna atan hian vote thlak tan a ni a, district 18 huamchhunga assembly bial 121-ah mipuiin an aiawh tur thlangin vote an thlak a ni.

<><><>